

ess.
Gén.
1623
3431

HARANGVE
DE L'AMATEVR
DE IVSTICE,
AVX TROIS ESTATS.

•

7

M. D. C. XV.

DE LAMATELLE
HARRISON

DE LAMATELLE
HARRISON

M. B. C. X. M.

H A R A N G V E

Del' Amateur de Justice,

A V X T R O I S E S T A T S.

C'Est de vous (Messieurs) que nous espérons que la Iustice sera remise en la possession de son ancien patrimoine, d'ou elle a esté hon-teusement banie par ceux de nostre Siecle : c'est de vous que nous attendons le Restablissement de son ancienne Noblesse enfermée dās les cof-fres de l'ignorance, liée & garottée d'une chesne a la Persienne souuenés vous que c'est elle qui a faict autresfois florir toutes ces belles Republic-ques payēnes, dont vous aués tiré vos loix, celle de Rome, d'Athene, & de Lacedemone ne se sont elles pas perdues en la perdant : prenés gar-de qu'il n'é arriue autāt a la vostre, car elle com-mance a se laisser d'endurer, si vous ne dōnés or-dre qu'elle ne soit remise en sa premiere splen-deur. Pleust à Dieu que ceux qui sont pourueus de ses offices, sceussent bien pratiquer ces belles leçons que Dieu leur a dictées par la bouche de ses Prophetes & Apostres. Iuges voyés ce que vous faictes, car ce n'est point le Iugement des hommes que vous exercés, mais celuy de vostre Dieu & selon que vous iugérés ainsi serés vous iugés, & derechef, faictes Iugement & Iustice, ou autrement i'ay iuré en moy que vostre mai-son sera deserte. Elles leur seroient fort faciles a mettre en vsage, s'ils auoient tant soit peu d'ex-perience aux affaires, & suiuioyent les loix : c'est a

dire si la loy dominoit, non pas eux la loy. Et a la verité nous dirons, que la Republicque laquelle est la mieux ordonnée & policée, est celle en laquelle domine non tous indifferemment ou plusieurs, ains celle en laquelle la loy seule domine: car elle n'est iamais poussée d'aucune affection, elle ne se courouce point, elle ne hait personne, elle n'est point saisie d'ambition, elle aime tous également & les fauorise, & tādīs qu'elle domine, elle n'édure point qu'aucun s'esleue par ambition, pour conduire le peuple a son plaisir, mais elle gouuerne sagement la Rep'ublicque: c'est pourquoy le Iureconsulte Pomponius, l'appelle vne promesse & obligation commune de la Republicque; & Aristote, qu'elle est le commun consentement du peuple, lequel ordonne par escrit comme chascune chose se doit faire ou non faire: ainsi aussi Ciceron, qu'elle ordonne ce qui est iuste & bon, & deffend ce qui est mauuais; à quoy s'accorde ce que dit le Iureconsulte Modestinus, que la force & vigueur de la loy est commander, deffendre, punir, & permettre. Et certes les Magistrats qui l'ont violée & violent encores tous les iours, doibuent bien penser que l'œil de la vengeance ne dormira pas tousiours. Ceux qui ont droit de Iustice, comme plusieurs Seigneurs deburoient bien connoistre ceux lesquels ils commettent pour l'exercer: car de la vient vn grand bien a leurs subjects ou vn tres-grand mal ainsi donc (Seigneurs) lors que les offices des Iuges vacqueront en vos iustices, donnés les places de iudicature a gens qui en soient capables & dignes, vous serés les premiers qui en recepurés les

fruits, & vos subiects les seconds. Dauantage vous ferez voir a nos Roys la faute qu'ils font de vendre les Estats, voire des premiers de leur Iustice, & non seulement des Iuges & Iurisdiccions Royales, & des Iuges Presidiaux, mais des Parlemens. Le Roy Louis douziesme en fit le premier l'ouuerture pour les Estats de la chambre des Comptes le Roy François apres l'a suiui, pour tous les Estats de iudicature, mesme des Parlemens: celuy a qui nous nous ressentons tant redebua- bles d'auoir fauorisé les lettres en France. Et le Roy Henry le Grand, duquel les loüanges sont & seront a iamais espandues iusques aux der- niers confins du monde, a la persuation d'aucuns qui luy représenterent les grands deniers qui luy en viendroient les a rendus fiefs, faisant finan- cer par an aux Officiers le sixiesme de leur Estat. Miserables qui tiennent des charges a ceste condi- tion, qui achèptent le temps qu'ils consomment a seruir d'une somme qu'il faut qu'ils gagnent pour la payer, & si par ce moyen en rendant les estats fiefs, c'est oster aux gens d'honneur le mo- yen de pouuoir seruir leur pays, & ouurir la porte aux ignorans, c'est a dire a ceux qui auront plus d'argent que de science. Helas ou est ce grand President la Vacquerie, pour nous en faire des Remonstrances, n'en naist-il point vn Phenix de ces cendres pour nous entonner icy les dis- cours, & nous apprendre que ce n'est point l'or & l'argent qui maintiennent les Roys & leurs Estats: mais ces deux colonnes, la pieté & la Ius- tice. Heureux ceux qui ont tellement gouverné leurs Prouinces qu'ils n'ont laillé apres eux au-

unvestiged d'anarice & luxure. Rochers inacces-
 sibles, forteresses imprenables & inexpugnables
 & bouleuers de Iustice, quād aurons nous l'heur
 que nostre Roy vous appellerap par vos capacités,
 suffisances, bonnes mœurs, & grande experience
 aux affaires : afin d'amacer toutes sortes de mo-
 yens fort propres a tirer la verité du milieu des
 tenebres, dircerner le iuste de l'iniuste, garentir
 les vesues & les Orphelins de la foule & oppres-
 sion des profanes & impies. Les reformatiōs cō-
 mātēt quelquefois par les parties les plus basses.
 doncques (Seigneurs) a qui le Roy a concedé les
 Iustices ne cerchés les officiers du Roy dans les
 Iurisdicōtions, qui remplissent leurs sieges des ap-
 pellations des sentences qu'il auront eux mes-
 mes donneés, pour se faire recepuoir plusieurs
 fois aux parties & y profitent en diuers temps :
 ny admettés point aussi des Procureurs des Sie-
 ges car ils n'auront quel'habit des Iuges, qui est
 la robe qu'ils y porteront aux iours qu'ils iront
 exercer leurs charges, & peut estre qu'encores ils
 auront apprehension, d'enueloper leur ignoran-
 ce d'une soutane & d'une robe: croyés moy ces
 tous vautours enrobés, monstres biformes, hor-
 ribles & exerables, ayant bien au dehors la figu-
 re d'hommes, mais en effect & au dedās, ce sont
 de vraystoreaux, des loups affamés, des bestes
 farouches & sauvages, qui se repaissent incessam-
 ment de chair humaine, escorchent le pauvre
 peuple, le succent iusques aux entrailles, foulent
 le iuste & l'innocent, tantost par faux contracts,
 tantost par mutilations des registres, tantost par
 concussions & exactions tres-pernicieuses nous

voyons pranicquer cela tous les iours a nostre
 grand regret, qui me meut de représenter icy les
 qualités d'un bon iuge, pour le choix que vous
 en ferez quand l'occasion s'en presentera aucuns
 ont depeint la Iustice couuerte d'un grand voile
 & sans yeux, enquoy il me semble qu'ils luy font
 iniure: car sur toutes choses celuy qui est iuge,
 doit auoir les yeux clairs-voyans, fermes & as-
 surez a la terreur des meschans: mais peut estre
 qu'ils ont voulu dire, que le Iuge ne doit se sou-
 cier des menaces, ny des prieres des grâds de ses
 parens, ny de ses amis, & qu'il doit destourner
 d'eux les lumieres chastes de la Iustice, de crainte
 que ses yeux ne soyent esbloüis & ne conuiert, par
 ce qu'il doit faire iugement du bien d'avec le
 mal, & des innocens d'avec les coupables, qu'il
 ne se laisse point corrompre, par les esperances,
 faueurs, profits & telles autres especes de char-
 mes plus dangereux que ceux des magiciens, que
 leurs yeux ne soyent point surpris, constants &
 asseürés comme ceux de Socrate, quand sans fil-
 ler il regardoit le soleil, c'est a dire, Dieu du chef,
 duquel la Iustice est nee, le gournail & cõdui-
 te de laquelle il a commis au Iuge, ainsi qu'a
 Eneé son vaisseau a Palinurus, qui pour si peu
 qu'il se d'escouure de l'equité, tombera precipité
 entre les Syrtes & les rochers ses yeux aussi peu
 desirans que ses mains continantes ainsi que di-
 soit Pericles, habillé modestement d'habits de-
 cens a sa charge, incorruptible, aueugle aux pre-
 sens, qu'il soit tellemēt egal enuers vn chascun,
 qu'il puisse iuger sans passion, & que la raisõ luy
 soit comme en la main le baston a l'aveugle, du-

quel il tatonne s'il ny a point de pierre en son chemin contre laquelle il offence & blesse son pied: que selon Solon il aye les aureilles fort ouuertes, a celle fin de s'accoustumer a ouir bien ou mal dire de luy, & ne fust esmeu des loüanges ou des medifances du vulgaire, & mesme quelquefois a la façon d'Ullisse, il se bouchat les aureilles de cire, & quelquefois d'estre sourd, mais non lors qu'il exerce sa charge bref estre tel que Perse le d'espeint en ces vers.

*Ille sciat iustum, gemina suspendere lance
Ancipitis libra, rectum discernat, ubi inter
Curua subit, vel cum fallit pede regula varo
Sitque potis nigrum vitio prefigere Theta.*

Au surplus, nous donnons aussi l'aduis de Ciceron en son Oraison *pro Cluentio*, *nec lērum nimis etiā esse debere, ne litū faciat immortalē, neque frigidū nimis in delictis plectendis purgādaque scelestis hominib⁹ ciuitate*: mais no⁹ voulōs que le Iuge viue avec vne ame innocēte, qu'il n'apprehende point la peine, qu'il ne soit point paresseux, ny qu'il se laisse trop aller, qu'il ne se face aussi trop redouter, qu'il ne soit audacieux, mais bien temperé, qu'il ne soit trop precipitant, ne aussi trop estourdi, qu'il ne se laisse emporter a la collere, ny trop grande compassion, qu'il ne se laisse fleschir, qu'il soit tousiours ferme, qu'il ne se laisse suborner: bref qu'il soit aussi homme de biē & aussi sage que celuy lequel a peine Apollo peut il trouuer entre mil. Quand nous le voudrons choisir, il ne faut point que nous ayons autrement esgard a sa parenté a son estre & creatiō: mais seulement que nous regardions s'il a esté

nourri

nourri & allaité du lait des mammelles de Iustice, laissant les moyens qui ne sont que choses terrestres, caducs & perissables. Imitons ces anciens payens, lesquels estoient tous zelateurs de Iustice, ne la laissant point à l'abandon de qui la vouloit, ne l'exposoient point à l'ancan, comme nous semblons faire auioird'huy à toute sorte de personnes, ainsi qu'une marchandise, dont on ne fait pas grand compte. Alexandre Seuerus Syrien de nation, bon Prince, guerrier, iusticier, pieux, & le premier Empereur Christicolle apres Adrian n'a iamais permis, ne voulu souffrir que les Estats de Iudicature se missent en vente, *neceffe est, inquit, ut qui emit vendat: ego non patiar mercatores potestatum, quos si patiar damnare non possim: Erubesco enim punire illum hominem qui emit et vendit.* Voila de belles parolles dignes certes d'un tel Prince, lesquelles peuuent seruir d'exemple à nos Roys, qui maintenant ne scauroient auioird'huy punir iustement ceux qui ont charge sur un peuple, s'ils commettent quelque iniustice, par ce que l'on peut dire que ce sont eux mesmes, qui leur en donnent le subiect, metrans en vente leurs Estats de iudicature, les desliurants aux plus chers & derniers encherisseurs, qui le plus souuent sont enfans de Marchans, qui n'auront iamais esté nourris en l'Eschole de vertu, & lesquels osent bien mettre tout leur auoir, ou bien peu s'en faudra en des Estats, pour exercer toute leur vie contre leurs consciences toutes sortes d'impietés, ne proposans, ne liberté, ne vertu pour leur but: ains seulement une conuoitise de cheuances, auoir, & richesses, laquelle n'a borne ne mesure quelconque, ne aucun assouuissement, non plus qu'un feu bien embrasé, ou un creux abis-

me de mer, l'un & l'autre insatiables de tout ce qui se peut mettre dedans. Mais le pis que ie voy, c'est que la pluspart d'eux, sont ordinairement alliés les vns avec les autres, de sorte que si quelqu'un d'eux a delinqué, il est impossible d'en esperer la punitiō, & moins encores d'auoir Iustice, si on a quelque chose a desmesler avec eux, & si on en veut recuser vn, il faut par mesme moyen recuser tout le siege, cōme nous voyons cela arriuer souuent. Es Estats du pais de Languedoc tenus a Montpellier, en l'an mil D.lvj. il fut arresté de remonstrer au Roy, qu'il luy plüst ordonner, que les proches parens & alliez ne fussent admis en mesme siege ny en mesme court: Et quatre ans apres, les mesmes remonstrances furent faictes au Roy, par les Estats de France tenus a Orleans, mais il est impossible d'y remedier maintenant, tant que les Estats soient perpetuels, & conserués par la Paulette. Il y a deux cents-cinquāte ans & plus que le Roy Charles cinquieme, & auparauant luy Philippe le Bel, auoient ordonné que nul ne fust Iuge au pays de sa naissance, conformement a l'Edict de Marc Aurele, lequel ordonna que nul ne fust Gouverneur de son pays, ce qui fut depuis estendu aux conseillers assesseurs & Gouverneurs des Prouinces, & fut tres-biē executé: comme il est encores en Espagne, & en la pluspart des villes d'Italie, le iuge ordinaire est estrangier. Il y a quelque temps qu'aux Estats de Poulouigne, les Ambassadeurs de Moschouie requirent la mesme chose: mais l'ordonnance de nos Roys a esté tost enseuelie. Et sans chercher les Edicts des Empereurs Romains, ne lisons nous pas dans les memoires de Cesar, que les anciēs Gaulois, & mesmes ceux d'Autun auoient vne loy inuiolable, qui

deffendoit que les Magistrats fussent continués plus d'un an & que deux d'une famille ne peussent estre Magistrats, ny Senateurs ensemble, ny l'un tant que l'autre qui l'auroit esté viuroit. D'auantage la chose qui plus doit estre recommandée a tous subiects en general, & a chacun en particulier, est la conseruation du bien public. Et quel soing, quel soucy du bien public, peuuent auoir ceux qui ny peuuent auoir aucune part? comment auront ils soing de ce qui ne leur touche ny pres ny loin? Et si quelque homme de bien veut dire, faire & entreprendre quelque chose pour l'vtilité publique, étant priué qui l'encouragera? qui le supportera? qui le favorisera? les hystoires nous apprennent, que presque tous les Estats populaires ont esté changés en Monarchies, pour auoir donné les charges & commissions plus long temps qu'il n'estoit besoin: comme a Pisistrate en Athenes, a Phidon en la ville d'Argos, a Cypsele en Chorinte, a Denys en Syracusé: a Panece en Leonce, a Phalaris en Ionie: & sans aller si loin d'ou sont venus tous les Princes & Seigneurs d'Italie, sinon que de la: ainsi que ces iours passés nous l'auions fait voir en certaines remontrances. Ce que preuoyant le dictateur Aemilius Mamercus presenta requeste au peuple, qui passa en force de loy par laquelle il fut ordonné que la censure des lors en auant prendroit fin en dix-huict moys, qui estoit establie pour durer cinq anneés, & le iour suiuant il deposa la dictature ne la voulant continuer plus d'un iour, & adiousta ceste raison, *vt Sciatis quam michi diuturna imperia non placeant*, Et a peu de temps de la, nous lisons que le tribun Gabinus fut tué en plein Senat par les Senateurs mesmes (comme nous lisons en Dion) pour auoir

faict decerner a Pompée la commissiõ de la guerre Piraticque pour cinq ans : & rend la raison pourquoy il est fort dangereux d'octroyer les charges honorables trop long temps, par ce (dit il) que le naturel de l'homme est tel, qu'il mesprise vn chacun, & ne peut viure en subiect, depuis qu'il a long temps commandé: c'est ce que dit Cassiodore quasi en mesme sens, *antiquitas voluit prouinciarum dignitatem annua successione reparari, ut nec diutina potestate vnus insolesceret, et multorum prouectus gaudia reperirent*. Et peut-estre que ce fut l'vn des plus grands moyens de conseruer l'Estat de Assyriens & Persans, qui tous les ans changeoint de Capitaines & Lieutenans. Et cependant aujour d'huy nous voyons que les enfans par le moyen du droict annuel, sont maintenus & gardés en la possession de Estats de leurs peres, quelle folie ie vous prie le pere peut estre sera meschant & sçauant, & le fils ignorant sera en sa place, de sorte que tous les iours nous tõbons de fiebure en chaud mal, de dire qu'il ne sera receu s'il est ignorant, c'est s'abuser: vëu qu'autant en pend a l'œil de ceux qui le reçoient ayant peut estre des enfans de telle Cathégorie, qu'ils veulent pouruoir semblablement auant ou apres leur mort. O que les republiques sont heureuses quand elles sont gouuernées par gens de bien, prudens, & sçauans: car ou la sapience est, la Iustice ne s'en peut pas esloigner, & ainsi il ne s'y peut rien faire d'iniuste, ny de Tirannie; mais ou l'ignorance est, & le deffaut d'experience: ce ne sont qu'arrogances, audaces, praticques de toutes choses contre tout droit & raison (ce qui estoit reproché aux Atheniens vn ardent desir & appetit insatiable de gain) tout y est en desordre, d'autant que si le Iug'e ignorant ayme

aujour d'huy quelqu'vn il le favorisera mais si le len-
 demain il le luy a fait la moindre offense, il le con-
 dānera, & ny a aucū qui ne puisse faire de telles fau-
 tes, s'il est ignorāt des loix & des sciences, & qu'il ay
 ceste opinion d'estre la loy mesme de cela qu'il a
 puissance de iuger. Certes le gouuernement de tels
 Iuges & Magistrats est tres-dangereux, par ce que ils
 foulent les plus nobles & mesprisent les vertueux
 & sçauans, les vns estants poussés d'amour, de hai-
 nes, d'animosités, ou de quelques affections particu-
 lieres, les autres d'esperance, de crainte, d'ambition,
 ou d'auarice iugent le plus souuent ce qui est ini-
 que, & ainsi ils ne sement toute leur vie (comme dit
 le sage) que peruersité, mais aussi ils doibuent sça-
 uoir qu'ils en moissonneront le tourment, & que
 la verge de leur indignation prendra fin. Vous au-
 rés donc (Messieurs) assés d'affaires aux Estats, si
 vous voulés apporter vne reformation a la Iustice,
 que de parler de tels officiers, telle corde merite biē
 d'estre touchée & a besoin d'estre mise en bon ton,
 vous trouuerrés assés en France à qui commettre le
 maniement des affaires, nous auons encores Dieu
 mercibon nombre de personages, doctes & ver-
 tueux, nos Prouinces, nos villes, vous en fourniront
 assés, Estant chose certaine & sans doubte, que de
 gens de bien & entiers il ne sçautoit sortir, ny es-
 clorre autre chose que de bōs cōseils & aduis. Nous
 trouuerrons si nous voulons des Fabrices, des Pu-
 blicoles, des Curies, des Calatins, des Cecinnates,
 des Attilles, pour les faire asseoir sur le trosne de la
 Iustice, & lesquels prefereront tousiours leur par-
 ticulier au public. Helas bon Dieu! ne sçaurions
 nous voir vne telle reformation en nostre pauvre
 Frâce, n'aurons nous iamais cēt heur que de voir les

Estats non plus venaux. C'est de vous (Messieurs) que despendent telles affaires pour le bien de l'Estat, C'est a vous de remonstrier au Roy les maux que nous endurōs tous les iours de ce costé la. Vous voyez comment ceux d'aujourd'huy a cause de la charté de leurs offices, vendent la Iustice, vendent les Republiques, védēt le sang du pauvre peuple, vendent les loix aussi, & conséquēment ostent les loyers d'honneur, de vertu, sçauoir, pieté & de Religion, ouurants en plein iour la porte aux larcins, aux concussions, à l'auarice, Iniustice, ignorance a l'impieté & a tous vices & ordures. Voila en vn mot que c'est que de la pluspart de nos iuges, & desquels Horace a tres-biē sceu dire. *Male verum examinant omnes corrupti iudices*, ie dicts la plus part, car ie ne doute point qu'il ny en ait encores d'entre eux, qui regrettent de voir telles choses; mais quoy: que peut faire vn petit nombre, entre tant de corrompus, sinon que d'auoir recours a Dieu, & le prier d'auoir pitié de son peuple desolé, affligé, foulé, & ruiné par ceux qui ont l'autorité sur luy. ou bien auctorisent ceux qui commettent telles impietez, sans se soucier du iuste, sans supporter la veufue, l'orphelin, sans reprimer l'insolence des vns & des autres, sans guerdonner la vertu & integrité de ceux qui le meritēt. Cesont a proprement parler torrens de nature desbordée & accessiue lesquels apres auoir rompu la leuée d'equité & de bonté, viennent a s'espandre parmy les campagnes, rauager pour vn temps les semences de iustice, atterrer ses moissons toutes entieres, iusques à ce que finalement ils se vont perdre & precipiter dās cet abîsme espouuētable duquel parle Virgile.

tenent media omnia Silue

Cocitus-que Sinus Labens circumfluit atro.

Par faute de voir bien a l'œil ceste iustice diuine, laquelle auec des yeux en plus grand nōbre qu'Argus, penetre au dedans de leurs pensées profanes, & a la mienne volonte que ces gēs la se voulussent vn peu arrester a cōsiderer, qu'elle a esté ceste iustice si curieusement obseruée par le paganisme, ils ny trouueroient que toute équité & droiture, nous en auons encōres leurs loix, lesquelles sont plus diuines qu'humaines. D'auantage, s'ils vouloient s'enquerir ou est ce grand Alexandre ce grand Cesar, ce grand Charlemagne & tant d'autres Roys, ils seront estonnés de se souuenir quels ont esté leurs Estats, ce Lyrique payen a bien chanté leur honneur.

*Nullus argento color est avaris
Abdite terris inimica Lamna
Crispe salustini si temperato
Splendeat usu.*

Qui consistoit principalement en effects charitables, l'vn desquels & le principal estoit d'auoir l'affection vers les pauvres, les soustenir, & par aumosnes releuer leurs necessités; ainsi en doibuent vser ceux qui ont auctorité sur vn peuple, escouter la plainte d'vn pauvre plustost que celle d'vn riche, c'est a dire le preferer sans tant le faire demeurer a leur porte, non tant sous esperance de gaing que pour l'amour de la vertu: imitant en cela Traian ce grād Empereur Iusticier, lequel est a bō droit louié des historiens, de ce qu'estant à cheual pour aller a la guerre, il mit pied a terre pour oüir la plainte que luy vouloit faire vne pauvre femme. Bel exēple certes pour ceux qui se meslent de gouuer-

ner la iustice, lesquels s'ils veulent faire le semblable, cest a dire s'ils sont amateurs d'equité & zelateurs de Iustice, ils doiuent auoir esperance certaine de ne mourir iamais que pour viure dans le Ciel. Pour conclusion suiuous tousiours la Iustice, reestablissons-la comme elle estoit du temps de nos anciens peres, embrassons la, sans en iamais quitter la prise, a l'exemple de ces grands personages Payens, lesquels bien qu'ils n'eussent le vraye cōnoissance de nostre Dieu: toutesfois il s'est seruy deux, pour faire admirer sa bonté & iustice, par des gens bien versés, & qui ont laissé apres eux vne memoire eternelle de leurs actes vertueux a tout le genre humain faisons eslection de gens suffisans & capables, soit en exemple de bonne vie pour l'administrer: n'allons point chercher ceux qui n'ont que la bourse en la main & rien autre chose pour leur donner des charges, afin de se faire bonneter, craindre sans raison, & exercer toutes sortes d'impietés mais ceux-la tant seulement *Quorum Spectata et nobilitata virtus non solum natura coroborata, sed etiam disciplina putabatur*, & lors ce sera la vraye guerison del'Estat, ny ayant rien plus necessaire en ce monde, que de bons officiers doiüés de science & sagesse, afin de bien conduire & ordonner la vie humaine a sa propre & heureuse fin, & lesquels seront curieux de rapporter tout leur soin & industrie, pour la conduicte d'icelle, au bien & vrilliré publicque, afin d'en remporter aussi pour eux mesmes, vne louange, gloire. & reputation immortelle.

F I N.